

UKA2017-65

Michael Rosing

Attaviitsoq

12/10-2017

Kommunit inatsimmi peqqussutaasut naapertorlugit pisortat ikiorsiissutunik tunniussinerminnut atatillugu qanoq annertutigisumik ikiorsiissutit aningaasannagornagit tunniussisarnersut misissoqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut. Misissuinermut atatillugu aamma innersuussutunik saqqummiusseqqunneqarput inatsisitigut qanoq pitsaanerpaamik kusanarnerpaamillu qularnaarneqarsinnaanersoq, atisassat aamma allat meeqqat pisariaqartitaat eqqarsaatigalugit angajoqqaat kiisalu allat meeqqanut angerlarsimasunut isumassuisut qulakkeerisalernissaat siunertaralugu.

(Inatsisartunut ilaasortaq Nivi Olsen, Demokraatit)

Kingumut pisimasut qiviaraanni tamatigut sumiiffinnilu tamani oqallisaasarnikuuvoq kina pisortanit ikiorneqarsinnaassanersoq. Allagaqaatitoqqani aamma pisoqaavallaanngitsuni oqaaseqatigiinni allaqqasarpog "ataqqinartut pisariaqartitsilersimasulli". Eqqarsaataavoq inuit ilaat ikiorneqartariaqartut allallu naamik. Isumaqatigiissutigikannerneqarpoq angajoqqaajunerluttut aningaasat nungullugit imertartut pisortanit ikiorneqartariaqanngitsut. Qitornaammi. Aap, taava nerisassanik tunisariaqarpagut, ikiorumallugit kukkoqqissinnaajunnaarlugit.

Tunngaviusumik inuit periarfissaajarnissaat nuannarinngilara. Aamma tunngaviusumik isumaqarpunga amerlanerpaat imminnut naleqqiullutik qitornatik pitsaanerusumik inuuneqartikkusuttaraat. Kisianni angajoqqaat toqqarpassuk aningaasaatitik tamaasa imerniarlugit taava arlaannik ajortoqarsimassaaq. Apeqqutaaginnarpoq sunaanersoq aamma qanoq ililluta pitsaanerusunngortissinnaaneripput.

Matumani misissuisoqarnissaanut siunnersuutaasup assingiinnarpaa apeqqutip ilamineeraannangua. Uangali isumaga naapertorlugu taanna apeqqutip ilamininngua kukkusuuvoq. Misissuinerup siunertaa apeqqutinngortinneqarsinnaavoq, ilumut eqqortut pillarniarsarinerigut. Uanga paaserusunneruara inuit qanoq kaammattorsinnaanerigut eqqortumik aalajangiinissaannut.

Kisianni akissut imaannangilaq inunnik isumaginninnermut inatsimmiittoq, eqqoriarpara akileraartarnermut inatsimmiissasoq. Akileraartarnikkut tunguineramik pilersitsisimanerluta, inuit siunissaat ima ajortigilersillugu allaat eqqortuusorilersimallugu periarfissaqartillugu tamatigut suarsunnguit nuannaarutaasinnaasut misigisariaqarlutigit aamma taanna puujaasap naqqani nassaarineqarsinnaappat?

Pisariaqartinngilarput inatsisip ullumikkut atuuttup tulluussaqqissaarneqarnissaa.

Pisariaqartipparput nutaamik eqqarsarnissarput. Assersuutigalugu suliniutit nutaat aqqissuussamik misilerarneq ajorpagut. Uanga nammineq misilikkusulluinaqqissaaraluarpara piunasaqaatitaqanngitsumik tunngaviumik isertitaqartitsilluni misiliinissaq. Qularinngilara akileraartarnikkut tunguinerup atuutsitai ajornartorsiutit arlallit aaqinneqarnissaanut aqutaasinnaasoq. Kisianni aalajangersimasumik killilikkap iluani misiliinissamut eqqarsaat inuit ilaasa narrujuummissutigisarpaat. Uanga nammineq takusinnaanngilara sooq misileraanerunnginnersugut malittareqqissaartarlugit atorsinnaanersut atorsinnaannginnersulluunniit. Ineneri ullumikkumut iliuutsitsinnut naleqqiullugu kusanarnerungaassagaluarput, tassami Inatsisartut ataatsimiittarfiani aaqiissutissanik eqqarsartarpugut inuunermi piviusumi atorsinnaasussanik.

Inassutigissavara siunnersuut manna itigartinneqassasoq.